

王紅光 主編

朱良津 副主編

貴州省博物館藏珍稀古籍彙刊

GUANGXI NORMAL UNIVERSITY PRESS
广西师范大学出版社



王紅光 主編

朱良津 副主編

貴州省博物館藏珍稀古籍彙刊

GUANGXI NORMAL UNIVERSITY PRESS
广西师范大学出版社



· 桂林 ·

Treasures for Scholars Worldwide

目 録

黎氏家集十一種三十四卷附集五種六卷 清黎庶昌編 清光緒十五年(1889)黎庶昌日本使署刊本

椒園詩鈔七卷 清黎庶蕃撰 清光緒十五年黎庶昌日本使署刻本 卷三至七 三

雪鴻詞二卷 清黎庶蕃撰 清光緒十五年黎庶昌日本使署刻本 二五四

丁亥入都紀程二卷 清黎庶昌撰 清光緒十四年(1888)活字排印本 三二一

青田山廬詩鈔二卷 清莫庭芝撰 清光緒十五年黎庶昌日本使署刻本 卷上 四八〇



黎氏家集（三）

椒園詩鈔卷第三

遵義 黎庶蕃 晉甫

舍弟純齋邀同次韻和湘鄉侯相贈吳南屏之作

粟中有稗未易筵荆中有棘殊難推盜中有狡思兔脫

君如海颶推潮來東征百戰鷹擊野南柯一息蟻據槐

三軍成敗吾豈敢不合瓦缶同喧匭

原詩有沅湘義軍參差起十事欲成

九事乖之句

番舶資窮虎且翼華陽割耳龍逾乖阿房但付

一炬火昆明不掃千劫灰豈惟兵凶召饑饉亦有疫癘

成偏災百年承平此翻覆姑蘇有鹿游蒿萊吾

皇

中興邁光武軫念赤子提嬰孩萬幾日旻不遑處誓翦

粵逆聲如豺築壇命將師尚父明良遇合吁盛哉樂羊
收功待三載謗書一篋何嫌猜乾顛坤躓有時正衆志
力挽南山隤祇今良朋話遷播滄桑一變猶餘哀海隅
蒼生賣刀劍天中赤日收雲霾功成未許拂衣去秋霜
那赦鬚眉皚謝公重來鎮江左東山儘可銜一杯北門
鎖鑰中外倚江天肯讓蛟龍開原唱乃大閱
淞滬時作我卜成周
億萬世編詩上溯陳有邵

寄徐介亭壽椿司馬同年四十韻

狼洞且平聲蘭外魚梁甕水東故人曾落魄荒徼復從戎
策蹇來何暮聞雞舞未終一身同荷戟三載况飄蓬夜

角吹愁迴霜輦殷地雄瘴雲橫古戍獵火散天風刺史
兵符重前軍地望崇笑談輕虎穴參佐得烏蒙上客交
王粲清尊對孔融飲醇心早醉拔劍氣先空蘊藉陳留
概汪洋叔度躬論文真契合得句快磨礪雪月彈箏雁
霜林騁玉驄浹旬剛小住羣盜劇相攻失算哥舒走懸
軍李廣窮社狐烽最毒戰鬼血新紅之反猶能殿馮唐
敢論功兩人殊落落一別遂怱怱我竟儕功狗君還逐
塞鴻音塵迷日下蹤迹滯黔中再整于思甲重彎霹靂
弓壯懷消日月大義竦疲癯從此豺狼窟卑棲枳棘叢
枕戈危可念嘗膽事應同一郡餘孤注三秋信短蓬吳

都得徐孺

謂莫善徵

江夏識黃童

鄉人黃

八口萍粗定全家

芋不豐閉門秋寂寂懷舊意忡忡每憾艱時阻曾無尺

素通露寒淒楚菊江冷落吳楓昨者因原憲

宦生自浙來始悉君

情狀官浙從之問謝公浙東來吉語廡下慰離衷失喜呼阿

士開顏向醉翁

莫子偁先生

逝將尋舊雨悔不脫樊籠司馬

衫應溼潛夫耳半聾寄書愁道路寫怨託絲桐夢醒窺

斜月天長落彩虹難為共命鳥翻笑可憐蟲出處心何

異飛騰望轉隆他年主東道待子發昏矇

金陵再寄介亭從兄都中五十韻

老作江南客全家寄水鄉避人甯有意乞食况無常歲

月堂堂去江湖渺渺長寄書頻目斷負米益心傷冷落
君平肆蕭條季子囊爨桐誰見賞溝斷祇同僵復有池
塘句能迴木石腸脊令虛弔影鴻雁遠隨陽雨雪關河
白風煙鬢髮蒼食貧慚二仲為弟愧元方往者全黔警
先生大義倡指揮陳壁壘談笑卻鋒鋌夜色危旌動邊
聲畫角涼入巢馴乳虎抽矢射天狼父老知陳孺諸侯
重葛強十年存保障一夕靜邊防遂有馮唐論誰知馬
氏良功名悲偃蹇骨相負昂藏從此扁舟逝多時倦羽
翔吳門曾共被江上幾連檣彈鋏馮驩老吹簫伍子忙
得錢同挂杖近水即流觴官閣梅初白隋隄柳再黃滯

留情不淺飛動意難忘回首中原亂於今漢道昌築壇
求上將揮劍落欃槍慘澹風雲氣晶瑩日月光
重勤化理萬國睹冠裳驥足思騰蹕鵬飛接混茫又為
尊酒別愁看片帆張樹色分淮甸秋陰莽太行低徊瞻
魏闕款段息游繯李廣封仍沮虞翻老更狂悲歌泣燕
趙浪迹杳河湟再擲班超筆全無陸賈裝間關辭帝里
迢遞越津梁洱海新符節滇雲古戰場著鞭從大帥攬
轡入蠻疆箸下磨菇滑松根琥珀香瘴花開絕徼燐火
散虛墮自此音塵阻曾無驛使將篋中停筆硯天外隔
參商我亦殘年迫惟應別淚償一身憐棄置萬里失騰

驪藥餌扶衰病妻孥慊稻粱寄愁當下飛夢到君旁
蟋蟀吹涼雨星河落曙霜夜鐙迴暗壁鄰杵激秋坊藜
藿情元淡蓬蒿徑早荒何時買山去與子更聯牀

感舊述懷輒成四十韻奉寄楊子春

華本姊丈馬

子貞宗周同年

二君俱官滇南

海畔春三月滇南地一隅相望成遠別失意在窮途身
似棲籠鳥情同伏櫪駒守株縻歲月浮梗信江湖萬里
頭空禿平生尾畢逋過來俱夢幻隨在尚泥塗陸子詩
千首陶公酒一壺避人無遠畧隨分即良圖月下栽花
鋪風前煮茗鑪薜蘿成野服藜莧足山厨事為閒游廢

心因善病羸杜陵長寓蜀張翰不歸吳每憶同心友還
如通室俱酒腸真獨得文戰合歡呼馬氏眉先白楊衡
德不孤品饒飾圭璧唾盡落璣珠瑣瑣新姻亞峩峩古
丈夫有甥才畧似同譜誼相孚來往情彌洽交親誓不
渝棘闥曾共硯山館輒呼盧世事棋枰換光陰石火徂
故人猶落寔異地各馳驅庾信無家問毛生捧檄趨一
官同乞丐前路極崎嶇影落蒼山秀波平洱海鋪碧雞
通漢祀金馬賽神巫風俗阿迷健功名沐氏殊佐庖香
菌滑扶老茯苓酥政是棠陰布恩同泰雨敷坐收回紇
馬行剖使君符

馬方守曲靖
楊仍需次

落落皆時望英英必大儒

彈琴期上理拾級到雲衢我聽循聲著君將古道扶宦
游應倦矣眠食更佳無徼外音塵少尊前鬢髮枯放歌
須灑落縱飲莫踟躕可笑鯁生老難醫魯叟迂一身空
偃蹇四壁早荒蕪何日歸陽羨從人乞獠奴相將一蓑
笠遲爾結歡娛

送趙二珊廷璜大令入都兼呈令兄伯庸太守

馮唐早衰世所易買臣晚達名猶彰升沉遲速各有定
一生擾擾真空忙精鋼百鍊纔纔指古鏡失磨終少光
樨下長鳴待誰顧泥中曳尾良自傷嗟余老病百不就
牛醫馬磨都無常平生定出古人下敢以尺短爭寸長

往時避亂走巴蜀全家寄食來吳鄉兒啼妻瘦歸未得
蓬蒿滿徑門庭荒喜君東游益諳練干將吐氣森莫當
眼前落魄雖可憫異時善價甯久藏君家哲兄古循吏
廿年有政追龔黃今君競爽行筮仕白眉那不誇最良
看君扶搖九萬里鵬飛鯢化俱難量他年肯念杜陵老
為我浣花開草堂

君宦蜀且
世交故云

吳江雜詩三首

西風吹雨鬢節物豈堪思海燕朝辭壘秋蟲夜絡絲無
衣怨寒早多病怯年衰萬念俱搖落旁人那得知

閉門秋日短風雨復闌珊作客三年久因人百事難妻

孥成贅物江海失新歡不道於陵子年來死尚寬
冗士渾無著荒城自一家寒煙出衰柳細水齧欹沙吏
散初成市官貧不打衙北塘問風物菱芡即生涯

秋日獨啜

敗柳蕭蘆秋氣深更堪煙雨冪疎林貧家鐙火有寒意
倦客詩歌無好音久擬入山隨野鹿尚留將子學寒禽
平生熱念銷磨盡不料鑪灰冷到心

與客游洞庭山

吳江不可住一住日踰百攜客游洞庭因以窮震澤高
窗洞虛明俯盡萬頃白長空與無際似是煙霧積輕帆